

橫山老人楊公雪門一百二十三周年紀念

橫山老人楊雪門詩文遺稿目錄

朱柏廬治家格言詩 一〇六首

五常吟 五首

三變吟 三首

五政吟 五首

克己救人衛道詩 四首

基督徒聯合會頌 四首

基督教女教史詩 十三首

附： 以上首次發現合計七律一四〇首

橫山老人傳

祖父雪門公的點滴情況

朱用純傳

朱柏廬治家格言
楊雪門著

朱子家訓格言詩 并序

楊雪門

齊家治國源出一本立身處世道不殊途是以大人不失赤子之心天國專為嬰孩而設
慨自大學之道失傳明德之義不求人多陷于魔網罔知趨向殊深慨惜嘗讀朱柏廬先生
訓子格言內多砭俗之詞啟人反省廸人回思引入明德新民途徑領上悔改重生道路每
一格言吟成七律使人玩味歌誦逸人性情感人心志與立身齊家之道不無小補云爾

一、黎明即起

夜窮繼日仰而思待旦元公坐有之啼鳥猶眠山客懶鳴鷄向善舜徒爲甜鄉夢破貪痴蝶
臥榻汗驚鼯睡獅整頓衣冠乘味爽溫公警枕最相宜

二、洒掃庭除

庭除行坐比中堂宿垢糞除一掃光箕上帝加防長者凡間塵脫少仙鄉高飛野馬迎韓偓
不務門人守卜商寒素家風無僕御躬親洒掃亦尋常

三、要內外整潔

數椽風雨庇吾廬危必持兮顛必扶瀾祭整齊青玉案蟲殘補茸碧紗櫺蛤牆牘墨休塗抹
蠟紙明窗勿穢污雅癖身閒揮麈尾衣冠不正客來无

四、既昏便息

宰予晝寢別分明功課昏黃手續清鎮日安行無噩夢深宵久視恐傷睛達觀莊蝶魂宜斂
夜守花牖吠不驚一臥遊仙高臥穩心如止水自然平

五、關鎖門戶

咄嗟賊去后關門管鎖深嚴事看尊主必周公方下屋人非干木莫踰垣賢愚雖屬嫌疑辯

道義端由誠信存若使關防疏慎重百般現狀怪難言

六、必親自檢點

家庭瑣事必躬親職務殊難逐夜輪習慣妻孥容脫略奸刁奴僕每因循甘心凡事寧求己
出口空言免向人灶下尤防遺火慎未經偃息細查巡

七、一粥一飯

米餐糲苦憫農工粒粒汗流禾土中寒耐斷葢文正畫樂安蔬食孔顏同擇精莫漫誇三白
知足何妨號二紅偏是王孫嗟落拓感恩漂母識英雄

八、當思來處不易

犀心一點照靈台婦孺周知不費猜先德服疇蒙庇蔭上蒼植物養培栽鴻嗷最怕飛蝗劫
蛟出猶防旱魃災八口負擔精力瘁常流汗血免嗟來

九、半絲半縷

遮羞樹葉奠洪荒製皮爲裳定主張巨眼字酬三匹絹纏頭錦被一歌忙蒲勤臧妾卿猶織
繡辟陳妻廉不傷布帛善言珍寸念千紛萬緒記難忘

十、恒念物力維艱

生材有數感蒼穹愛惜常存方寸中百費經營忙歲月一經暴殄撒西東石金難點神仙術
紈袴行看子弟窮汗血終年勞瘁集不應揮霍廢天工

十一、宜未雨而綢繆

鷓鴣墮戶且綢繆人不鳥如最可羞八德五倫綱紀肅一勞永逸政刑休揚鞭早計中流渡
借箸預乘前席籌百廢經營先措置倉皇莫待到臨頭

十二、勿臨渴而掘井

口乾舌燥飲忽忽那有天然活水饗九仞猶防泉不及一時興築自難工止渴梅林懸高望
擊開磐石仰靈功廉讓若先居卜早不惟慎始且圖終

十三、自奉必須儉約

甘旨娛親無不知鬼神致孝享多儀萬錢日食情何侈一勺清泉性莫移白黍黃梁淡不厭
紫茄紅莧配相宜餼糧英落餐秋夕菊淡人如觀朵頤

十四、宴客切勿流連

荒亡多半誤流連。宴飲人家勸戒旃。奸盜邪淫乘間隙。妻孥僮僕戒備眠。邀來新月添陳釀。聽罷朝歌接夜弦。醉態猖狂人命險。不防火燭禍彌天。

十五、器具質而潔

不塗紫漆不泥金。去垢湯盤警作箴。鏤刻顏瓢無外飾。淨清點瑟少凡侵。周文未勝離黃革。殷質渾登賁白臨。借欲循牆窺美富。家風饒粥鼎銘尋。

十六、瓦缶勝金玉

鑛金璞玉採于山。瓦缶水泥陶冶爛。鼓擊秦王聞坎坎。甌傾孟敏若閑閑。笨粗工不嫌鳩拙。文采炫休轉豹斑。但使尋常俱適用。華鸞不寶楚誰蠻。

十七、飲食約而精

市脯傷人可奈何。略求清潔細研磨。萬錢不侈庖厨費。九鼎無須珍錯羅。至味淡恬寧取少。腐腸濃厚莫貪多。山肴野蔌希爲貴。割烹防干天地和。

十八、園蔬逾珍饈

不須麟脯劈仙厨。澆溉家園學種蔬。恬淡自安甘鼎鼐。爛蒸折拘熟葫蘆。市頭休覓盤殮遠。

籬角偏饒野味儲佳品若詢何物盛秋菘春酒佐冰壺

十九、勿營華屋

營私屏絕氣伸舒安宅吾心有廣居容膝夜眠七尺地羅胸日課半床書室窗虛白生何若
土木丹青色不如金屋阿嬌難及世瞬餘改換舊門閭

二十、勿謀良田

鎮定道心一寸田呼龍瑤草莽耕烟濁塵擾攘爭何益福地循良厚不遷譎詭波雲機渺若
讓推虞芮勝金堆萬鐘粟獲圖書府租稅蠲除免累先

二十一、三姑六婆

三姑粥粥結雌群入內六婆更駭聞禍水到門無善果藏金出世擁愁雲蘇秦說國渾齊語
倚相讀墳幻楚氛魚貫往來無禁約家人多半少嚴君

二十二、實淫盜之媒

誨淫誨盜近妝台如火如荼實壯哉巧獵雌雛擒故縱穿簾燕睇去還來甘言以媚妖狐誘
竊負而逃籠鳥開瞬息人空財不見養蠶成患說飛災

二十三、婢美妾嬌

姑射仙人絕世姿，豪門婢妾不相宜。
小家碧玉嗟何若，金谷綠珠奚取斯。
藥苑重台春色豔，桃潭千尺綺情癡。
堂前坐守胭脂虎，魚貫難容寵戒之。

二十四、非閨房之福

閨門幸福本難求，狐媚妖嬈莫逗留。
禍水自應驚駭汗，迷津可奈不回頭。
娟娟此豸脂防獵，潑灑游魚餌上駒。
風月五湖春載豔，梧桐宮愁煞一天秋。

二十五、童僕勿用俊美

俊秀美麗日孳孳，童僕面龐奚取斯。
與使模糊遊北里，何如唐突醜西施。
狼迎入室龍陽夢，鵲踏翻花蝶戀痴。
直尺枉尋愚太甚，牆茨不掃怪離奇。

二十六、妻妾切忌艷妝

布襪青鞋林下風，羞人厭着綺羅紅。
掃除衣綠裳黃飾，抱定揚清濯素工。
風大雅不群超象，外太精純一得寰。
中本來面目無凡垢，炫俗珠塵障碍空。

二十七、祖宗雖遠

誦到先芬世代移水源木本費尋思克家難負庭珪志述祖猶存靈運詩文獻衣冠資考據
高曾矩矱永昭垂遺言裕后傳流遠喬硯晏楹格守持

二十八、祭祀不可不誠

俎豆衣冠恪吉虔前人惟願后人賢洋洋如在躬何若渺渺難憑恐不然一瓣心香昭肅穆
千秋血食自綿延精誠孝享神明格春祀秋嘗期不愆

二十九、子孫雖愚

昏庸氣質賦于天一十人能已百千愚魯雖偏猶契聖朱均不肖始傳賢孩童勿矢知親愛
臣叔何痴豈倒顛莫道迂疎終寡效書生本色世綿延

三十、經書不可不讀

手澤難忘讀父書窮經致用慎荒疎剛柔記日懷司馬詩禮趨庭憶伯魚把卷削原非簡竹
下帷窺不及園蔬百家諸子旁參考口誦心維正課餘

三十一、見色而起淫心

萬惡爰書首罪淫天桃流盼起猿心出神秘意生桑濮注目游魂蕩桃陰傳電燈芯靈琥珀

通幽磁石吸金針誠如視若皮囊臭色色空空垢不侵

三十二、報在妻女

天道昭彰速報施暗中淫孽鬼神知拙荆陰遣僕何賴少艾春懷認不辭外遇下愚貪路柳
內言中毒出牆茨生涯皮肉相交換漫向風流討便宜

三十三、慝怨而用暗箭

弋禽射宿且難安暗箭傷人心太奸蒙正過聞前不記夷齊惡泯舊從刪威讎銜報新恩伴
口蜜甘甜腹劍寒正正堂堂師問罪晉文譎究遜齊桓

三十四、禍延子孫

吁嗟禍種布前人不及其身有替身厚積陰邪清鑑別好還天道无環循葉枝害起根先撥
瓜豆得由種所因日下報施雖未見孽根后代宿冤伸

三十五、居身務期樸質

衛侯善俗國相安大布衣裳大帛冠涉世最嫌文勝侈持躬卻喜簡而寬架梁奚取丹青飾
褻服休娛紅紫歡殷駱渾堅循舊制玉金雕刻易傷殘

三十六、教子要有義方

教子義方勿納邪諫君石錯語堪嘉步原中矩行持正筆不忘規字免斜五桂寶家名最盛
三槐王氏澤無涯柳歐賢母清徽憶凡膽初勤荻畫沙

三十七、勿貪意外之財

曲禮臨財苟得毋儻來暴富漫貪圖無知暮路嚴天地不拾路遺返道途意馬心猿憎變幻
蠅營狗苟絕卑污一毫莫取非吾有山月江風憶大蘇

三十八、勿飲過量之酒

多見酒徒不自量號呶歌笑失端莊淺嘗何不停中輟亂德尤防致內傷不醉淳于分一石
多文歐九飲千觴將軍腹負能容否吞吐豪情逼大荒

三十九、與肩挑貿易

咄嗟衣食拙謀生不獨肩挑步擔人八口之家懸仰望隻身設法小經營利微究勝惰游懶
本短惟期辛苦勤粥鼓錫簫衢巷度丁難市語辨分明

四十、毋佔便宜

世人佔便卻非宜，少數賺來多數遺。守直展禽名屢黜，不仁陽虎富奚爲。天公早定施平準，人巧偏干大拙奇。尖刻存心無結果，市童五尺勿相欺。

四十一、見貧苦親隣

視如行路不相干，非語親隣狀況寒。嫗好通家情必願，餘光鑿壁慘難安。守望互助危依倚，休戚相關忍翫看。老幼孤隣逢母里，奚忍袖手作旁觀。

四十二、須加溫恤

顛連困苦總非凡，炊斷茅簷屢缺餐。卻效純仁舟麥贈，莫忘范叔綈袍寒。抽薪釜底情何爽，送炭雪中義不難。煦謳春台生意滿，粉榆澤被寸心安。

四十三、刻薄成家

任殺千家成一家，目前熱鬧很風華。削將微秒針頭鐵，撒盡些須磨眼麻。兇惡豺狼威有限，子孫牛馬苦無涯。蠹魚侵蝕蠶沿食，刮骨刀兒徽號加。

四十四、理無久享

平衡造物本無私，察理休云惡報遲。白佔田園能幾日，黑瞞天地不多時。登基郭雀終朝失，

傳祚祖龍二世移焉有不仁長富樂興亡從古盡如斯

四十五、倫常乖舛

馬不亂倫物有然衣冠禽獸反昏顛紀綱失正蒸淫穢型典云亡藤葛纏父子胡行嗟壘聚
魯吳同姓嘸嫻聯夏南稅野株林諷河水新台有刺篇

四十六、立見消亡

故家喬木賸荒邱世族凋殘地轉售股社黍禾墟感廢吳宮花草徑埋幽情天落寞浮雲散
孽海沉淪禍水流無限荒淫增感慨悔遲帷幕不先修

四十七、兄弟叔侄

愛如手足不相離猶子鍾情若比兒謝草池春誇俊秀阮林竹茂別尊卑伯兄列次應居長
臣叔治知本不痴痛癢相關聯一體同堂共祖勝分支

四十八、須分多潤寡

分潤些須有幾何思量益寡自哀多由親及遠行千里損富濟貧海一波節用糧餘聊復爾
向隅炊斷豈忘他無情冷眼難歧視仁讓家風釀太和

四十九、長幼內外

長幼分明別序班設屏內外隔重山生徒列侍師門坐親族罕窺眷室顏鄉飲后先休紊亂
譏言出入必防閑尊卑坐次俱齊整燕爲簾垂嘖往還

五十、宜法肅辭嚴

門庭整肅貴嚴明大義凜然執法行孝友一家勤守道是非兩造不容情聖言水火聞知畏
天命輝煌勉力遵名教綱常千古重不忘要久約重新

五十一、見富貴而生詔容者最可恥

豪門氣燄勢熏天附熱青蠅逐臭羶春色赧顏羞半面夏蛙笑態脅雙肩足恭左氏深爲愧
性傲丈夫不受憐誠讀報書劉一丈立慚馬廐豈忘旃

五十二、遇貧賤而作驕態者賤莫甚

騶馬高軒冠蓋加日無餘子藐蟲沙皇皇新印黃金棒落落舊遊白眼斜俯首乞憐忘已辱
及身受享向人誇室家若類齊妻妾訕泣中庭淚似麻

五十三、居家戒爭訟

析分訟字列言公譖潤訴膚術不窮有用流光多荒廢無情誑語逞英雄是非兩造終昭雪
鬥勝雙方占上風至竟到須知水淡一經判決橐囊空

五十四、訟則終凶

越繁健訟越糾纏化古前途望渺然吏獄引嫌稍芥蒂農村破產每株連貪官高擱陰深矣
窮冠勿追禍愼旆畏罪如還庭怕到釀成人命事關天

五十五、處世戒多言

吉人辭寡譟人多不善言貽后患何庸謹持中歸正道是非執一愼懸河搖唇鼓舌宜囊
括例齒停牙莫織羅憶昔諸賢陳蔡厄祇聞予賜列專科

五十六、言多必失

朝廷宗廟即便便鄉黨恂恂又不然簡兮仲弓敬作則野哉由也闕宜先問仁詎示因司馬
長府中嘉許子騫既出駟追難及舌吉人辭寡豈忘旃

五十七、勿恃勢力而凌逼孤寡

嗟嗟孤寡苦無涯凌逼休將勢力誇哺待鴻嗷猶拯恤卵危燕雀忍敲斜周文政發哀窮獨

魏武施恩種豆瓜人物折殘憐兔雁網羅烈火且難加

五十八、勿貪口腹而恣殺牲畜

萬山烈火沒遮羅饕餮窮奇不厭多熊掌奚爲心所欲龍肝只恨手無柯殃遭六畜彌天慘
日食萬錢孽海波莫效齊桓貪口腹易牙子忍作羹和

五十九、乖僻自私

生成頑石欠靈通予智何爲竟自雄任錯偏由欵側路好奇慣走逆行風此君性构成孤癖
餘子目無視一空至竟居心人不解南鍼迷指忽西東

六十、悔悟必多

叢脞昏蒙撥不開返躬懊惱寸衷來心迷至此方知錯頭恨從前弗早回今是昨非沉逝水
外尤內悔集靈台九州頑固如生鐵埋怨當初大不該

六十一、頽惰自甘

大好頭顱康健身貪閑游手究何因吃勤做懶先由已失業廢時後衆人字飽蠹魚書作枕
門羅蛛網釜生塵童蒙大學渾忘誦記否盤銘日日新